



Broj: 01-11-120-3/23

Jablanica, 14.03.2023. godine

Na osnovu člana 41. Statuta Općine Jablanica („Službeni glasnik općine Jablanica“, broj:2/09, 8/16 i 2/20), Sporazuma potpisanog između Općine Jablanica, nevladine organizacije Muslim Aid Association i Saveza poljoprivrednih udruženja Jablanica broj: 01-11-120-1/23 od 09.03.2023. godine, te na osnovu člana 5. Pravilnika o utvrđivanju uslova, kriterija i postupaka za ostvarivanje prava za dodjelu pčelinjih društava i opreme broj: 01-11-120-2/23 od 14.03.2023. godine, načelnik Općine Jablanica raspisuje:

Javni poziv Za podnošenje zahtjeva za dodjelu pčelinjih društava i opreme za pčelarstvo

Općina Jablanica u saradnji sa nevladinom organizacijom Muslim Aid Association i Savezom poljoprivrednih udruženja Jablanica raspisuje Javni poziv za podnošenje zahtjeva za dodjelu pčelinjih društava i opreme za pčelarstvo. Projekt sufinansiraju Općina Jablanica, Muslim Aid Association, Savez poljoprivrednih udruženja Jablanica i krajnji korisnik. Svakom korisniku dodjeljuje se start up paket za pčelarstvo što uključuje ukupno 8 pčelinjih društava sa donacijom i kreiranjem novih društava na pčelinjacima i dodatnom opremom (vrealjkom, odjelom, ramovima sa satnom osnovom, i ostalim pčelarskim priborom).

PRAVO UČEŠĆA

Pravo na učešće u Projektu imaju socijalno i materijalno ugrožene osobe, žene i mlade osobe, koje su sa prebivalištem na području Općine Jablanica koje posjeduju vlastito poljoprivredno zemljište ili je zemljište u vlasništvu članova uže porodice po pravoj liniji (majka, otac, djed itd.), kao i zemljište ustupljeno na korištenje ili u zakup na period ne manji od 3 godine u neposrednoj blizini stambenog objekta u kojem stanuju na kojem se može formirati i stacionirati pčelinjak a u skladu sa Pravilnikom o držanju pčela koji se primjenjuje na ovome teritoriju.

Pravo na dodjelu pčelinjih društava sa dodatnom opremom nemaju osobe koje u svome vlasništvu ili u vlasništvu članova kućanstva (otac, majka, supružnik i dijete) posjeduju više od 10 pčelinjih društava. Pravo učešća nemaju podnosioci zahtjeva koji su zajedničkom domaćinstvu sa nekim od članova komisije za izbor kandidata .

USLOVI ZA DODJELU PČELINJIH DRUŠTAVA SA OPREMOM

Podnosilac zahtjeva treba da ispunjava slijedeće opće i posebne uslove:
Opći uslovi:

1. da je nezaposlena osoba ili osoba sa minimalnim primanjima ili osoba do 40 godina starosti sa prebivalištem na području Općine Jablanica,



2. da je podnositelj zahtjeva ili član uže porodice vlasnik ili posjednik poljoprivrednog zemljišta pogodnog za stacioniranje i formiranje pčelinjaka ili da je zemljište uzeto na korištenje ili u zakup i da se isto nalazi u neposrednoj blizini stambenog objekta u kojem stanuju,
3. da u trenutku predaje zahtjeva za učešće u ovom projektu nema više od 10 pčelinjih društava u svom posjedu ili posjedu člana sa kućne liste domaćinstva,
4. da sufinansira 20% od nabavne cijene start-up paketa za pčelarstvo (700,00 KM),
5. da obavezno prisustvuje edukacijama (teorijskim i praktičnim) koje će organizovati Savez poljoprivrednih udruženja Jablanica,
6. da će dobijeni start-up paket zadržati u vlasništvu najmanje 3 godina od potpisivanja Ugovora.

Posebni uslovi:

- broj članova zajedničkog domaćinstva;
- broj neuposlenih punoljetnih članova zajedničkog domaćinstva;
- broj izdržavanih članova zajedničkog domaćinstva;
- samohrani roditelji, mladi bračni parovi do 40 godina starosti,
- podnositelj zahtjeva osoba ženskog spola, dijete sa invaliditetom i osoba sa invaliditetom;
- prirodni uvjeti (smještaj pčelinjaka);
- socijalni aspekt (stanje na terenu, imovinsko stanje, opći dojam i slično).

POTREBNA DOKUMENTACIJA

1. Uz zahtjev podnosioci trebaju priložiti sljedeću dokumentaciju:
2. Ovjerena kućna lista,
3. CIPS prijava podnosioca zahtjeva,
4. Dokaz o nezaposlenosti svih punoljetnih članova zajedničkog domaćinstva izdat od Biroa za zapošljavanje, a za lica koja se ne vode na evidenciji kopija zdravstvene knjižice sa vidljivim pečatom nosioca osiguranja ili ovjerena izjava kojom se garantuje da je lice nezaposleno (original ili ovjerena kopija),
5. Potvrde iz škole/fakulteta (i potvrda o pohađanju za studente) za djecu/izdržavane članove domaćinstva (original ili ovjerena kopija),
6. Uvjerenje ili drugi dokaz o visini prihoda za svakog zaposlenog člana domaćinstva sa kućne liste (za penzionere posljednji ček od penzije ili potvrda izdata od banke) (original ili ovjerena kopija),,
7. Vlasništvo ili posjed nad parcelom koja se namjerava koristiti za instaliranje platenika (ZK izvadak ili Posjedovnog lista, ili ugovor o zakupu/korištenju parcele) (original ili ovjerena kopija),
8. Dokaz da je samohrani roditelj -smrtni list ili dokaz o razvodu braka ili drugi dokument kojim aplikant može dokazati da je samohrani roditelj (original ili ovjerena kopija),
9. Dokaz da je podnositelj zahtjeva i/ili član domaćinstva (dijete, bračni drug sl.) osoba sa invaliditetom (potvrda/mišljenje stručne medicinske komisije o utvrđenom invaliditetu), (original ili ovjerena kopija),
10. Ovjerena izjava da u trenutku predaje zahtjeva za učešće u ovom pozivu nema više od 10 košnica pčela u svom posjedu ili posjedu užeg člana domaćinstva,
11. Ovjerena izjava će korisnik podsticaja dobijeni start-up paket zadržati u vlasništvu najmanje 3 godine od potpisivanja Ugovora,
12. Ovjerena izjava da će sufinansirati 20% od nabavne cijene start up paketa (oko 700,00 KM), te da će obavezno prisustvovati edukaciji iz oblasti pčelarstava.

Potrebna izjava za uslove pod rednim brojevima 10,11.,12 se podnosi na zajedničkom obrascu „IZJAVA“, koja se može preuzeti u Službi za opću upravu, društvene djelatnosti, boračko invalidsku zaštitu, socijalna pitanja i zajedničke poslove.

Nepotpuna, neuredna, netačna i neblagovremena dokumentacija neće se uzimati u razmatranje.

Napomena: Komisija zadržava pravo dodatnog objašnjenja za dostavljenu dokumentaciju ukoliko se ukaže potreba za tim kao i mogućnost naknadne dopune dokumentacije u posebnim slučajevima.

U slučaju da podnosioci zahtjeva pri bodovanju imaju isti broj bodova, prednost će imati oni koji imaju status mlade osobe, samohrani roditelji i osobe koje u svome kućanstvu imaju dijete s invaliditetom ili invalidnu osobu.

IZBOR KANDIDATA

Općinski načelnik imenuje Komisiju za odabir korisnika za dodjelu pčelinjih društava i opreme koju čine predstavnik organizacije „MuslimAid“ Sarajevo, predstavnici Općine Jablanica i predstavnici „Saveza poljoprivrednih udruženja“ Jablanica.

Zadatak Komisije je:

- pregled prispjelih prijava
- evidentiranje podnosioca zahtjeva koji ispunjavaju uslove iz Javnog poziva,
- obavljanje uviđaja na licu mjesta,
- utvrđuje i objavljuje preliminarnu listu odabranih korisnika na osnovu utvrđenih kriterija za bodovanje

Preliminarna lista o odabiru korisnika za dodjelu pčelinjih društava objavljuje se na oglasnoj ploči Općine Jablanica, službenoj web stranici Općine Jablanica i sredstvima informiranja.

Podnosilac prijave može uložiti pisani prigovor Općinskom načelniku na preliminarnu listu s rokom podnošenja prigovora od 5 dana od dana objave preliminarne liste na oglasnoj ploči Općine Jablanica i na web stranici Općine Jablanica, a radi razmatranja i preispitivanja preliminarne liste i ocjene prijave, a da se po rješenju prigovora objavi konačna lista putem oglasne ploče Općine Jablanica i web stranice Općine Jablanica.

Obrasci zahtjeva za prijavu mogu se preuzeti u šalter sali Općine Jablanica i zajedno sa dokumentacijom predati u zatvorenoj kovrti na protokol Općine Jablanica sa naznakom „Za javni poziv za dodjelu pčelinjih društava i opreme za pčelarstvo“. Javni poziv je objavljen na web stranici Općine Jablanica www.jablanica.ba i oglasnoj tabli Općine Jablanica, a rok za podnošenje zahtjeva je 29.03.2023. do 15:00 sati.

Sve dodatne informacije mogu se dobiti u Službi za opću upravu, društvene djelatnosti, boračko invalidsku zaštitu, socijalna pitanja i zajedničke poslove ili na telefon 036/751-302 svakim radnim danom od 08:00 do 15:00 sati.

NAPOMENA: Javni poziv ostaje otvoren do 29. 03. 2023. godine, do 15:00 sati.
Nepotpune i neblagovremene prijave neće se razmatrati.

